

TEKS UCAPAN
BRIG. JEN. DATO' PROF. DR. KAMARUDIN HUSSIN
NAIB CANSELOR UniMAP
SEMPENA
MAJLIS PERASMIAN NIGHT MARKET PADA 22 MAC 2009

Bismillahirrahmanirrahim

Assalamualaikum Warahmatullahi Wabarakatuh dan Salam Sejahtera.

Yang Berbahagia, Prof. Dr Ali Yeon Md. Shakaff, Timbalan Naib Canselor Akademik dan Antarabangsa UniMAP.

Yang Berbahagia, Prof Dr. Zul Azhar Zahid Jamal, Timbalan Naib Canselor Penyelidikan dan Inovasi UniMAP.

Pegawai-pegawai Utama Universiti, Dekan-dekan, ketua-ketua Jabatan, para Pelajar , wakil-wakil media seterusnya hadirin dan hadirat yang dirahmati Allah sekalian.

Alhamdulillah, marilah sama-sama kita merafakkan rasa syukur ke hadrat Allah SWT yang tidak putus-putus bermurah hati memanjangkan usia, mengurniakan kesempurnaan akal, menganugerahkan kesihatan jasad dan memberikan keupayaan hingga membolehkan kita semua sekali lagi berhimpun dan bertemu dalam Majlis Perasmian Night Market 2009 pada malam ini.

Terlebih dahulu, saya ingin mengucapkan ribuan terima kasih kepada barisan tetamu serta dif-dif kehormat yang sudi hadir ke majlis ini bagi memeriahkan lagi majlis kami pada malam ini.

Dikeempatan ini juga saya ingin merakamkan setinggi-tinggi tahniah dan syabas kepada semua peniaga yang mengambil bahagian bagi menjayakan program Night Market ini.

Jutaan terima kasih diucapkan kepada semua ahli jawatankuasa kerana bertungkus lumus dan bekerja keras dalam memastikan kelancaran majlis pada malam ini. Pengorbanan dan usaha gigih anda semua amat saya hargai.

Anak buaya naik mencuri,

Singgah mari di Pasir Panjang;

Hutang budi sukar dicari,

Kalau dapat kasih berpanjangan.

Untuk makluman semua hadirin, Night Market@UniMAP ini akan beroperasi pada hari Jumaat setiap minggu mulai April ini dari jam 5.30 petang hingga 11.00 malam, dimana para peniagaanya terdiri daripada staf dan pelajar UniMAP sendiri.

Bagi minggu Pertama dan Ketiga, telah ditetapkan akan beroperasi di Kolej Kediaman Wang Ulu manakala bagi minggu yang Kedua dan Keempat akan beroperasi di Kolej Kediaman Seberang Ramai.

Hadirin dan Hadirat sekalian,

UniMAP mengambil langkah mewujudkan Night Market ini bertujuan untuk memberi pendedahan awal kepada pelajar dalam bidang perniagaan selain memupuk perpaduan dan mengeratkan hubungan silatulahim diantara pelajar dan staf.

Saya juga berharap dengan kewujudan Night Market ini secara tidak langsung dapat menggalak dan merancakkan aktiviti perniagaan di Kolej-kolej Kediaman untuk memastikan pelajar lebih tertumpu di Kawasan Universiti selain membudayakan sifat-sifat keusahawanan di dalam diri setiap mahasiswa dimana bukan sahaja hanya tertumpu pada bidang pembelajaran di dalam kelas.

Para graduan perlu berani menceburi bidang keusahawanan bagi menangani masalah pengangguran berikutan pasaran kerjaya yang semakin terhad, tambahan lagi dengan keadaan ekonomi global yang tidak menentu pada masa kini. Bidang keusahawanan merupakan

satu pasaran yang terbuka luas untuk diceburi dan ianya berbeza berbanding pasaran awam dan swasta kerana ia memberi lebih ruang untuk berdikari dan berdaya kreatif.

Seperti yang kita ketahui, bidang keusahawanan turut diiktiraf sebagai penyumbang utama terhadap pertumbuhan ekonomi Negara. Agama Islam sendiri telah menekankan tentang kepentingan kerjaya keusahawanan dan menggalakkan kita supaya menceburinya.

Memetik hadis riwayat Bukhari/Muslim:

``Berniagalah kerana daripada sepuluh bahagian kehidupan sembilan adalah daripada perniagaan".

Saya ingin menasihati para pelajar yang ingin menceburi bidang keusahawanan agar bijak mengenal pasti jenis peluang bidang perniagaan yang sesuai dengan kemahiran yang dimiliki. Selain daripada modal yang perlu disediakan oleh bakal usahawan, graduan perlu menyediakan diri dengan pelbagai kemahiran seperti pengurusan perniagaan, pemasaran dan komunikasi dalam bidang perniagaan yang dipilih.

Di Night Market ini pelbagai jenis jualan boleh didapati seperti produk kesihatan wanita/lelaki, pakaian terpakai (Bundle), aksesori wanita/lelaki serta makanan dan minuman. Para peniaga akan diberikan kemudahan canopy, meja plastik, kerusi dan apron.

Tuan-tuan dan puan-puan yang saya hormati sekalian,

Saya berharap dengan perlaksanaan Night Market ini akan menjadi pemangkin kepada kegiatan perniagaan di universiti selaras dengan hasrat UniMAP dalam proses menubuhkan Sekolah Perniagaan (Business School). Selain itu saya juga mengharapkan agar ianya mendapat sambutan dari semua pihak selain menjadi cabang kepada staf dan para pelajar untuk menjana pendapatan tambahan.

Akhir sekali saya ingin mengucapkan jutaan terima kasih kepada semua pihak yang menjayakan majlis pada malam ini. Tidak lupa kepada para peniaga Night Market saya ucapkan selamat maju jaya.

Dengan lafaz Bismillah hirrahma nirrahim, saya dengan ini merasmikan Night Market 2009.

Sekian, Terima Kasih.